

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH”, broj 49/06) i člana 24. Statuta Općine Kladanj („Službeni glasnik Općine Kladanj”, broj 9/11), Općinsko vijeće Kladanj, na sjednici održanoj 31.01.2022. godine, d o n o s i

ODLUKU

o utvrđivanju i obilježavanju značajnih datuma na području općine Kladanj

Član 1.

Ovom Odlukom utvrđuju se značajni datumi koji će se obilježavati na području općine Kladanj:

- | | |
|-----------------------------|---|
| – 01. i 02. januar | Nova godina |
| – Januar | Proglašenje sportiste godine |
| – 02. februar | Dan Prve muslimanske podrinjske brdske brigade |
| – 01. mart | Dan nezavisnosti Bosne i Hercegovine
Svjetski dan civilne zaštite |
| – 08. mart | Međunarodni Dan žena |
| – 04. april | Šehidska dova Turalići |
| – 15. april | Dan Armije Republike Bosne i Hercegovine |
| – 01. maj | Međunarodni praznik rada |
| – 08. maj | Dani Općine:
Dan Općine Kladanj i Dan osnivanja TO i oružanih jedinica općine Kladanj
Dan radija Kladnja,
Međunarodni dan crvenog krsta-križa,
Dan Osnovne škole Kladanj, |
| – 09. maj | Dan Osnovne škole Stupari i |
| – 09. maj | Dan pobjede nad fašizmom |
| – 20. maj | Dan MSŠ “Musa Ćazim Ćatić” Kladanj |
| – Maj (posljednja nedjelja) | Šehidska dova na Stanovima |
| – Juni (posljednji vikend) | Dani studenata općine Kladanj |
| – 12. avgust | Međunarodni dan mladih |
| – 17. avgust | Dan ratnih vojnih invalida |
| – Avgust | VKM Dani Djevojačke pećine
Dova u Brateljevićima – u skladu sa vjerskim kalendarom |
| – 06. oktobar | Dan osnivanja Ratne bolnice |
| – 10. novembar | Obilazak spomen obilježja šehidima na lokalitetu Zubeta, općina Vareš |
| – 25. novembar | Dan državnosti Bosne i Hercegovine |

Vjerski praznici će se obilježiti na prigodan način u skladu sa vjerskim kalendarima:

- Ramazanski Bajram
- Dan šehida
- Kurban Bajram
- Vjerski praznici drugih konfesija

Član 2.

Protokolarnе aktivnosti za obilježavanje značajnih datuma odvijat će se prema Kalendaru obilježavanja značajnih datuma (u daljem tekstu: Kalendar) koji je sastavni dio ove Odluke.

Član 3.

U dane značajnih datuma obavezno je isticanje zastave općine Kladanj i zastave Bosne i Hercegovine na zgradama javnih institucija.

Član 4.

Izuzetno, datumi utvrđeni članom 1. ove Odluke mogu se obilježiti i drugim danima, a u skladu sa programom institucija koje su nadležne za obilježavanje određenog datuma.

Član 5.

Pored navedenih značajnih datuma obilježiti će se i dani osnivanja odreda, tradicionalni memorijalni turniri, tradicionalni skupovi (aliđun i slično), drugi značajni događaji i manifestacije.

Član 6.

Nosioci aktivnosti obilježavanja značajnih datuma prema Kalendaru dužni su donijeti godišnji program obilježavanja značajnih datuma sa finansijskim planom i dostaviti ga Službi za društvene djelatnosti, opću upravu i poslove BIZ-a te obezbijediti medijsko praćenje obilježavanja.

Svi nosioci aktivnosti obilježavanja značajnih datuma obavezuju se da prate, planiraju, njeguju i obilježavaju sve značajne datume prema Kalendaru i o tome izvještavaju navedenu općinsku službu.

Boračka udruženja koja nisu nosioci projekta, a finansiraju se iz Budžeta Općine, dužna su aktivno saradivati u pripremi i realizaciji obilježavanja značajnih datuma prema Kalendaru.

Član 7.

Stupanjem na snagu ove Odluke prestaje da važi Odluka o utvrđivanju značajnih datuma na području Općine Kladanj („Službeni glasnik Općine Kladanj”, broj: 3/10, 5/13 i 5/14).

Član 8.

Ova Odluka stupa na snagu narednog dana od dana objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE

Broj: 01-04-297/22

Kladanj, 31.01.2022. godine

PREDSJEDAVAJUĆI
Općinskog vijeća
Almir Huskić, dipl.ing., v.r.